



FEE

GLOBAL ACTION DAYS

22 აპრილი - 3 მაისი

აქტივობის გამკვლევი 2024



ეპიკვამი
საქართველოს სისუფთავი

GLOBAL ACTION DAYS 2024

გავხადოთ ხვალინდელი დღე კლიმატმეგობრული პოზიტიური ქმედებების მეშვეობით



გლობალური მოქმედების
დღეების განმავლობაში თქვენ
შეგიძლიათ დადებითი
ზეგავლენის მოხდენა და
კლიმატის პრობლემებზე
მუშაობა, სხვების მოტივირება
და პროცესში ჩართვა, რათა
იმოქმედონ კლიმატის
სასარგებლოდ; გლობალური
მოქმედების დღეების
ფარგლებში, ყოველი
დავალების შესრულების
შემდეგ, გთხოვთ, გააზიაროთ
პროცესის ამსახველი
ფოტომასალა მცირე
ისტორიით და გამოიყენეთ
ონლაინ მონიშვნები:
#MyActionsMatters
#GlobalActionDays
#GreeningEducation
#GADGeorgia.

ქვემოთ მოცემული გლობალური მოქმედების დღეების (GAD)
დავალებები შეიძლება შესრულდეს ნებისმიერი თანმიმდევრობით
22 აპრილიდან 3 მაისამდე. შეგიძლიათ თითოეული აქტივობის
განხორციელებას დაუთმოთ 2-3 დღე შაბათ-კვირის ჩათვლით.



აქტივობა 1. კლიმატ- მზაობა ბიოეკონომიკის მეშვეობით

ბიოეკონომიკა ნიშნავს ხმელეთის და ზღვის განახლებადი ბიოლოგიური რესურსების გამოყენებას. თქვენს სკოლებში, სახლებსა თუ კლუბებში იპოვეთ და ფოტო გადაუღეთ ბიოეკონომიკასთან დაკავშირებული პროდუქტების მაგალითებს, როგორიცაა ნაჭრის ჩანთები, შალის ტანსაცმელი, ორგანული საკვები და FSC სერტიფიცირებული ხის მასალა.

გააზიარეთ და გამოაქვეყნეთ: თქვენ მიერ გადაღებული ბიოეკონომიკური პროდუქტების ფოტოკოლაჟები ან ვიდეომასალები და კომენტარი დაურთეთ თქვენ მიერ ნაპოვნ ნივთებს, რათა სხვებმა ნახონ და შეადარონ მათი აღმოჩენები. არ დაგავიწყდეთ მონიშვნები: #MyActionsMatter #GlobalActionDays #GreeningEducation #GADGeorgia

აქტივობა 2. კლიმატ- მზაობა ჯანსაღი საკვები



იცოდით, რომ ჯანსაღი კვების მიხედვით დღეში დაახლოებით 1 გრამი ცილა გჭირდებათ სხეულის წონის თითო კილოგრამზე? მოამზადეთ 24 საათიანი კვების გეგმა, რათა აჩვენოთ როგორ შეგიძლიათ მიაღწიოთ ამ მიზანს მცენარეული ან დაბალნახშირბადიანი (ან ორვე ერთად) ცილის გამოყენებით.

გააზიარეთ და გამოაქვეყნეთ: თქვენი ყოველდღიური კვების გეგმის ან თქვენი ჯანსაღი და დაბალნახშირბადიანი კერძების ფოტოები და დაურთეთ კომენტარი, თუ რატომ შეიტანეთ მცენარეული ან დაბალნახშირბადიანი ცილებით მდიდარი საკვები თქვენს რაციონში.



აქტივობა 3. კლიმატ- მზაობა წრიული ეკონომიკის გზით

რესურსების გადაჭარბებული მოხმარება ხელს უწყობს კლიმატის ცვლილებას. ნარჩენების ქაოტური დაყრა ქმნის პრობლემებს; შეიძლება დაიბლოკოს სანიაღვრეები და გაიზარდოს წყალდიდობის რისკი. ასევე, ნარჩენები შეიძლება იქცეს ცხოველების საკვებად ხმელეთზე თუ წყალში. იპოვეთ ადგილობრივად სივრცეები, სადაც გროვდება ნარჩენები, გადაუღეთ ფოტო, თუ შესაძლებელია დაასუფთავეთ (უსაფრთხოების წესების დაცვით) და შედეგი ასახეთ ფოტოზე.

გააზიარეთ და გამოაქვეყნეთ: თქვენ მიერ ნაპოვნი დანაგვიანებული ადგილის „მანამდე“ და „შემდეგ“ ფოტოები, დაურთეთ კომენტარები, თუ როგორაა შესაძლებელი ზედმეტი ნარჩენის წარმოქმნისგან თავის არიდება, უარის თქმის, შემცირების, შეკეთების და ალტერნატიული გამოყენების გზით.

აქტივობა 4. კლიმატ- მზაობა ამინდის ცვლილებასთან ერთად



კლიმატის ცვლილებასთან ერთად იზრდება ისეთი სტიქიური მოვლენების სიხშირე და ინტენსივობა როგორებიცაა წყალდიდობა, გვალვა, ექსტრემალური სიცხე, ხანძარი, ძლიერი ქარი და ზვავი. ჩამოთვალეთ ის სტიქიური მოვლენები, რომლებმაც გავლენა მოახდინეს თქვენს ქვეყანაზე ბოლო 3 წლის განმავლობაში, მონიშნეთ რუკაზე და შეადგინეთ ამ მოვლენათა კალენდარი, რათა დაადგინოთ სტიქიური მოვლენების კანონზომიერება დროისა და ადგილმდებარეობის მიხედვით.

გააზიარეთ და გამოაქვეყნეთ: სტიქიური მოვლენების ლოკაციების ამსახველი რუკა და კალენდრის ფოტო. ასევე გაგვიზიარეთ თქვენი მოსაზრება თუ როგორ შეიძლება უკეთ მოემზადოს თქვენი სკოლა, ოჯახი ან ადგილობრივი საზოგადოება ასეთი ექსტრემალური მოვლენებისგან თავის დასაცავად.



აქტივობა 5. კლიმატ- მზაობა ეკოსისტემის აღდგენის გზით

ფრინველები და მათი მიგრაციის მარშრუტები კლიმატის ცვლილებისა და ეკოსისტემის ჯანმრთელობის მნიშვნელოვანი მაჩვენებელია. გაისეირნეთ ახლომდებარე მწვანე სივრცეებში, დააკვირდით ფრინველებს ან მოუსმინეთ მათ გალობას, სცადეთ მათი იდენტიფიცირება. ამ უკანასკნელში კი e-Bird აპლიკაცია დაგეხმარებათ.

გააზიარეთ და გამოაქვეყნეთ: თქვენ მიერ შემჩნეული და ნაპოვნი ფრინველ(ებ)ის ფოტოები ან ვიდეო. აღწერაში დაურთეთ ბუნების დაცვის საერთაშორისო კავშირის (IUCN) მიერ მათთვის მინიჭებული სტატუსის შესახებ ინფორმაცია, იმყოფებიან თუ არა ისინი გადაშენების საფრთხის ქვეშ მყოფ სახეობათა წითელ ნუსხაში და რა უნდა გაკეთდეს მათი პოპულაციის ჯანმრთელობის შესანარჩუნებლად.

იყავი მზად კლიმატის ცვლილებისთვის მთელი წლის განმავლობაში

მას შემდეგ, რაც დაასრულეთ გლობალური მოქმედების დღეების აქტივობების განხორციელებას და გააზიარეთ თქვენს შედეგებს სოციალურ ქსელში, შეგიძლიათ აქტიურად გააგრძელოთ კლიმატის ცვლილებისთვის მუშაობა. გააერთიანეთ ბოლო ათი დღის განმავლობაში განხორციელებული ყველა ქმედება და კვლევა, დაწერეთ სტატია ადგილობრივი მედია საშუალებისთვის, დაურთეთ ფოტო და ვიდეომასალა, რათა ფართო საზოგადოებას უკეთ გააცნოთ კლიმატის ცვლილების შერბილებისა და ადაპტაციის (შეგუების) ქმედებები. ასევე შეგიძლიათ, რომ გლობალური მოქმედების დღეების ნამუშევრები შეიტანოთ ეკოსკოლების მწვანე ჯილდოს კონკურსზე წარსადგენ აპლიკაციაში, რათა ხაზი გაუსვათ თქვენ მიერ განხორციელებული აქტივობების მნიშვნელობას.

ბოლოს კი, არ დაგავიწყდეთ, რომ შეავსოთ GAD (გლობალური მოქმედების დღეების) კვლევა, როგორც კი დაასრულებთ აქტივობების შესრულებას, შეგვატყობინეთ რამდენმა მოსწავლემ მიიღო მონაწილეობა და რამდენი ქმედება განახორციელეთ.

სკანირება აქ



#MyActionsMatter
#GlobalActionDays
#GreeningEducation
#GADGeorgia



The Foundation For Environmental Education (FEE) is a key member of the Greening Education Partnership (GEP) and co-coordinating Pillar 1 on Greening Schools. As part of our commitment to the GEP, we at FEE are dedicated to delivering strong, coordinated and comprehensive actions through our annual Global Action Days campaign, which will prepare every learner to acquire the knowledge, skills, values, and attitudes to tackle climate change and to promote sustainable development. Let's come together to inspire the next generation of environmental leaders.

The Greening Education Partnership is an independent and inclusive community of practice on the role of education in tackling climate change. It is led by national governments, intergovernmental organizations, youth, civil society organizations, and private sector, among others.

The Secretariat is hosted by UNESCO's Headquarters in Paris. For more information, please contact gep@unesco.org.

